

顯密祈願文集

白玉 秋竹上師彙編

顯密祈願文集 目錄

- 華嚴經普賢行願品 3
- 普賢王如來大力願頌 19
- 慈氏菩薩迴願文 31
- 入菩薩行論迴向品 39
- 大界心要基道果發願文 .. 59
- 文殊大圓滿根道果無別義
於祈願覺空金剛本然 65

阿彌陀佛極樂淨土祈願文

..... 73

極樂淨土祈願文 101

麥彭仁波切極樂願文 103

慈雲懺主淨土發願文 105

蓮池大師西方發願文 109

大慈菩薩發願偈 115

回向發願偈 117

華嚴經普賢行願品

所有十方世界中
三世一切人師子
我以清淨身語意
一切遍禮盡無餘
普賢行願威神力
普現一切如來前

一身復現剎塵身
一一遍禮剎塵佛
於一塵中塵數佛
各處菩薩眾會中
無盡法界塵亦然
深信諸佛皆充滿

各以一切音聲海
普出無盡妙言辭
盡於未來一切劫
讚佛甚深功德海
以諸最勝妙華鬘
妓樂塗香及傘蓋
如是最勝莊嚴具
我以供養諸如來

最勝衣服最勝香
末香燒香與燈燭
一一皆如妙高聚
我悉供養諸如來
我以廣大勝解心
深信一切三世佛
悉以普賢行願力
普遍供養諸如來

我昔所造諸惡業
皆由無始貪瞋癡
從身語意之所生
一切我今皆懺悔
十方一切諸眾生
二乘有學及無學
一切如來與菩薩
所有功德皆隨喜

十方所有世間燈
最初成就菩提者
我今一切皆勸請
轉於無上妙法輪
諸佛若欲示涅槃
我悉至誠而勸請
唯願久住剎塵劫
利樂一切諸眾生

所有禮讚供養福
請佛住世轉法輪
隨喜懺悔諸善根
迴向眾生及佛道
我隨一切如來學
修習普賢圓滿行
供養過去諸如來

及與現在十方佛
未來一切天人師
一切意樂皆圓滿
我願普隨三世學
速得成就大菩提
所有十方一切刹
廣大清淨妙莊嚴
眾會圍遶諸如來

悉在菩提樹王下
十方所有諸眾生
願離憂患常安樂
獲得甚深正法利
滅除煩惱盡無餘
我為菩提修行時
一切趣中成宿命
常得出家修淨戒

無垢無破無穿漏
天龍夜叉鳩槃荼
乃至人與非人等
所有一切眾生語
悉以諸音而說法
勤修清淨波羅蜜
恆不忘失菩提心
滅除障垢無有餘

一切妙行皆成就
於諸惑業及魔境
世間道中得解脫
猶如蓮華不著水
亦如日月不住空
悉除一切惡道苦
等與一切群生樂
如是經於剎塵劫

十方利益恆無盡
我常隨順諸眾生
盡於未來一切劫
恆修普賢廣大行
圓滿無上大菩提
所有與我同行者
於一切處同集會
身口意業皆同等

一切行願同修學
所有益我善知識
為我顯示普賢行
常願與我同集會
於我常生歡喜心
願常面見諸如來
及諸佛子眾圍遶
於彼皆興廣大供

盡未來劫無疲厭
願持諸佛微妙法
光顯一切菩提行
究竟清淨普賢道
盡未來劫常修習
我於一切諸有中
所修福智恆無盡
定慧方便及解脫

獲諸無盡功德藏
一塵中有塵數刹
一一刹有難思佛
一一佛處眾會中
我見恆演菩提行
普盡十方諸刹海
一一毛端三世海
佛海及與國土海

我遍修行經劫海
一切如來語清淨
一言具眾音聲海
隨諸眾生意樂音
一流佛辯才海
三世一切諸如來
於彼無盡語言海
恆轉理趣妙法輪

我深智力普能入
我能深入於未來
盡一切劫為一念
三世所有一切劫
為一念際我皆入
我於一念見三世
所有一切人師子
亦常入佛境界中

如幻解脫及威力
於一毛端極微中
出現三世莊嚴剎
十方塵刹諸毛端
我皆深入而嚴淨
所有未來照世燈
成道轉法悟群有
究竟佛事示涅槃

我皆往詣而親近
速疾周遍神通力
普門遍入大乘力
智行普修功德力
威神普覆大慈力
遍淨莊嚴勝福力
無著無依智慧力
定慧方便威神力

普能積集菩提力
清淨一切善業力
摧滅一切煩惱力
降伏一切諸魔力
圓滿普賢諸行力
普能嚴淨諸剎海
解脫一切眾生海
善能分別諸法海

能甚深入智慧海
普能清淨諸行海
圓滿一切諸願海
親近供養諸佛海
修行無倦經劫海
三世一切諸如來
最勝菩提諸行願
我皆供養圓滿修

以普賢行悟菩提
一切如來有長子
彼名號曰普賢尊
我今迴向諸善根
願諸智行悉同彼
願身口意恆清淨
諸行剎土亦復然
如是智慧號普賢

願我與彼皆同等
我為遍淨普賢行
文殊師利諸大願
滿彼事業盡無餘
未來際劫恆無倦
我所修行無有量
獲得無量諸功德
安住無量諸行中

了達一切神通力
文殊師利勇猛智
普賢慧行亦復然
我今迴向諸善根
隨彼一切常修學
三世諸佛所稱歎
如是最勝諸大願
我今迴向諸善根

為得普賢殊勝行
願我臨欲命終時
盡除一切諸障礙
面見彼佛阿彌陀
即得往生安樂刹
我既往生彼國已
現前成就此大願
一切圓滿盡無餘

利樂一切眾生界
彼佛眾會咸清淨
我時於勝蓮華生
親睹如來無量光
現前授我菩提記
蒙彼如來授記已
化身無數百俱胝
智力廣大遍十方

普利一切眾生界
乃至虛空世界盡
眾生及業煩惱盡
如是一切無盡時
我願究竟恆無盡
十方所有無邊剎
莊嚴眾寶供如來
最勝安樂施天人

經一切剎微塵劫
若人於此勝願王
一經於耳能生信
求勝菩提心渴仰
獲勝功德過於彼
即常遠離惡知識
永離一切諸惡道
速見如來無量光

具此普賢最勝願
此人善得勝壽命
此人善來人中生
此人不久當成就
如彼普賢菩薩行
往昔由無智慧力
所造極惡五無間
誦此普賢大願王

一念速疾皆銷滅
族姓種類及容色
相好智慧咸圓滿
諸魔外道不能摧
堪為三界所應供
速詣菩提大樹王
坐已降伏諸魔眾
成等正覺轉法輪

普利一切諸含識
若人於此普賢願
讀誦受持及演說
果報唯佛能證知
決定獲勝菩提道
若人誦此普賢願
我說少分之善根

一念一切悉皆圓
成就眾生清淨願
我此普賢殊勝行
無邊勝福皆迴向
普願沈溺諸眾生
速往無量光佛剎

普賢王如來大力願頌

金剛上師諾那呼圖克圖傳授

蓮花正覺譯，白玉 秋竹仁波切修正

吹 〇〇

生死涅槃法 〇〇

一基二道果 〇〇

明無明所變 〇〇

今以普賢願 〇〇

令於法界宮 〇〇

一切成正覺 〇〇

根元本無為 〇〇

自然不可說 〇〇

無世出世名 〇〇

了此即成佛
◌◌

無明而流轉
◌◌

願三界有情
◌◌

皆了無說義
◌◌

我是大普賢
◌◌

無因緣基義
◌◌

了此自然悟
◌◌

無內外增長
◌◌

無念無暗垢
◌◌

故自無過染
◌◌

自證原安住
◌◌

世壞亦無畏
◌◌

不著五濁塵
◌◌

無別自然智
◌◌

無色無五毒
◌◌

明瞭未嘗滅
◌◌

一性有五智
於五智成熟
初出佛五部
於此智漸廣
生四十二佛
由運五智力
生六十雄猛
根本明無迷

◌◌
◌◌
◌◌
◌◌
◌◌
◌◌
◌◌
◌◌

故為本初佛
由我發此願
三界諸有情
了知自然覺
大智得增上
我化身無間
分化百俱胝
如應種種現

◌◌
◌◌
◌◌
◌◌
◌◌
◌◌
◌◌
◌◌

由我悲願力
三界諸有情
解脫六趣處
最初眾生迷
由不悟本明
無知昏暗住
此即無明因
從此悶絕中

◌◌
◌◌
◌◌
◌◌
◌◌
◌◌
◌◌
◌◌

忽起恐懼想
生自他貪瞋
習氣漸增長
遂流轉生死
五毒惑熾盛
五毒業無間
故眾生迷基
即無知無明

◌◌
◌◌
◌◌
◌◌
◌◌
◌◌
◌◌
◌◌

由佛發願力
皆自知自心
其俱生無明
是無知險處
其分別無明
即自他二執
俱別二無明
俱眾生迷基

◌◌
◌◌
◌◌
◌◌
◌◌
◌◌
◌◌
◌◌

由佛發願力
生死諸有情
無知黑暗消
二執妄識淨
了悟自心性
二執心猶豫
略起貪著時
習氣漸增長

◌◌
◌◌
◌◌
◌◌
◌◌
◌◌
◌◌
◌◌

於衣食財處
五欲及親眷
發生悅意貪
此令世間迷
能所業無盡
由貪果成熟
生於餓鬼中
常受飢渴苦

◌◌
◌◌
◌◌
◌◌
◌◌
◌◌
◌◌
◌◌

由佛發願力
令貪心有情
欲念不須斷
貪著亦勿取
內心自舒緩
任持覺悟地
轉分別成智
若於諸境顯

◌◌
◌◌
◌◌
◌◌
◌◌
◌◌
◌◌
◌◌

生微細怖畏
即長瞋習氣
起殺害等心
瞋果成熟時
地獄煎熬苦
由佛發願力
六趣諸眾生
瞋恚猛生時

◌◌
◌◌
◌◌
◌◌
◌◌
◌◌
◌◌
◌◌

放緩莫取捨
若能持自心
即得明瞭智
由自心高舉
於他心謗毀
由起猛慢心
自他欺凌苦
業果成熟時

◌◌
◌◌
◌◌
◌◌
◌◌
◌◌
◌◌
◌◌

死墜天生中
◉

由佛發願力
◉

令慢心有情
◉

自心自然住
◉

任持覺悟地
◉

平等原智得
◉

由二取習氣
◉

自讚毀他苦
◉

增鬥爭較心
◉

殺戮非天生
◉

果墜泥犁處
◉

由佛發願力
◉

令鬥爭有情
◉

不起怨仇心
◉

任持覺悟地
◉

得無礙業智
◉

無知捨散亂
覆昏及忘念
喪失菩提心
悶絕懈怠痴
果感旁生中
由佛發願力
令諸痴暗者
現了明瞭念

◌◌ ◌◌ ◌◌ ◌◌ ◌◌ ◌◌ ◌◌ ◌◌

得無分別智
三界諸有情
根本與佛等
由無知迷亂
造諸無義業
六業如作夢
我是最初佛
為教化六趣

◌◌ ◌◌ ◌◌ ◌◌ ◌◌ ◌◌ ◌◌ ◌◌

以普賢大願
◌◌

令一切有情
◌◌

於法界成佛
◌◌

阿吽
◌◌

茲以瑜伽力
◌◌

勿迷心自明
◌◌

由發此大願
◌◌

聞持諸眾生
◌◌

三生即成佛
◌◌

或於日月蝕
◌◌

或於地動時
◌◌

冬夏至年節
◌◌

自修為普賢
◌◌

於眾誦此願
◌◌

三界諸有情
◌◌

由我行者願
其苦自減少



究竟得成佛



慈氏菩薩迴願文

敬禮一切佛
及具天眼仙
菩薩摩訶薩
并諸聲聞眾
令避惡趣邃
而示涅槃路

引入無老死
敬禮菩提心
我由無明心
所作一切罪
今於佛面前

懺悔盡無餘
自我三業門
所積資糧福
是我普慧種
願我道無盡
十方諸國中
所有供養佛

佛昔隨喜者
我今皆隨喜
懺悔一切罪
隨喜諸善根
敬禮一切佛
願得大智慧
十方一切處

所有大菩薩
止於十地者
請速等正覺
既證圓覺心
降伏諸魔軍
為利諸有情
願請轉法輪
以大法鼓音

度眾生苦際
願經無量劫
常住世說法
祈運大悲智
慈濟諸有情
陷溺貪欲澤
恩愛所纏縛

眾生被障礙
諸佛不憎捐
慈悲諸含識
拔出三有海
一切三世佛
所行諸道法
我今皆隨學

願證菩提道
同登六彼岸
度六道眾生
證得六神通
願成無上道
無生及本源
無處無自性

悟此真空理
無智亦無得
無命無眾生
無背無取向
願達無我法
即等大仙佛
願不住二執

所攝一切物
為利益眾生
不吝行布施
物種侈靡盛
我應用豐足
物性等空寂
圓滿布施度

所受止作品
無瑕最清淨
及無癡矜慢
圓滿戒律度
如地水火風
四大無觸背
侵犯靡瞋恨

圓滿忍辱度
發心始終勤
恆喜不懈弛
身心勇猛力
圓滿精進度
調伏正定聚
如幻三摩地

金剛禪那等
圓滿靜慮度
三種解脫門
三時平等法
聞思修明了
圓滿智慧度
諸佛所稱讚

熾盛光赫奕
勤修菩薩行
圓滿自他志
行此菩提道
名稱慈氏子
圓滿六度行
超於十地位

我以此善願眾生
命終速往兜率宮
受生皆於見法閣
即為慈氏之長子
十地自在降閻浮
證得十力大位時
願受妙法甘露味
圓滿佛行盡無餘

從此命終承願力
即得上生兜率天
忻慶奉事慈氏尊
速得承授菩提記

入菩薩行論迴向品

造此入行論
所生諸福善
迴願諸眾生
悉入菩薩行

周遍諸方所
身心病苦者
願彼因吾福
得樂如大海

如石法師譯

願彼盡輪迴
終不失安樂
願彼皆獲得
菩薩相續樂
願諸世間界
所有諸地獄
彼中眾有情

悉獲極樂喜
願彼寒獄暖
亦願菩薩雲
飄降無邊水
清涼炙熱苦
願彼劍葉林
悉成美樂園

鐵刺樹枝幹
咸長如意枝

願獄成樂園

飾以鷗鵝雁

悅音美飛禽

芬芳大蓮池

願煨成寶聚

燒鐵成晶地
怖畏眾合山
成佛無量宮

岩漿石兵器

悉成散花雨

刀兵相砍殺

化為互投花

陷溺似火燃
無極大河眾
皮肉熔蝕盡
骨露水仙白
願彼因吾福
得獲妙色身
閒浴天池中
天女共悠游

云何獄中隼
卒驚頓生懼
誰有此妙力
除暗生歡喜
思已望空際
喜見金剛手
願以此欣喜
遠罪隨密跡

願獄有情見
香水拌花雨
自天迅飄降
熄滅熾獄火
安樂意喜足
心思何因緣
思時望空際
喜見聖觀音

願獄眾有情
歡呼見文殊
友朋速來此
吾上有文殊
五髻光燦燦
已生菩提心
力能滅諸苦
引樂護眾生

令畏盡消除
誰願捨彼去

彼居悅意宮
天女齊歌頌
著冠百天神
齊禮蓮足前
花雨淋髻頂

悲淚潤慈目

復願獄有情
以吾善根力
悉見普賢等
無礙菩薩雲
飄降芬芳雨
清涼復安樂

見已彼等眾
由衷生歡喜

願彼諸旁生

免遭強食畏

復願餓鬼獲

北俱盧人樂

願聖觀世音

手出甘露乳

飽足餓鬼眾

永浴恆清涼

願盲見形色

聾者常聞聲

如彼摩耶女

孕婦產無礙

願裸獲衣裳
飢者得足食
渴者得淨水
妙味諸甘飲
願貧得財富
苦者享安樂
願彼絕望者

振奮意永固
願諸病有情
速脫疾病苦
亦願眾生疾
畢竟永不生
願畏無所懼
縛者得解脫

弱者力強壯
心思互饒益

願諸營商賈

處處皆安樂

所求一切利

無勞悉成辦

願諸航行者

成辦意所願

安抵河海岸

親友共歡聚

願迷荒郊者

幸遇諸商旅

無有盜虎懼

無倦順利行

願天慈守護
無路險難處
老弱無怙者
愚癡顛狂徒
願脫無暇難
具信慈愛慧
食用悉富饒

時時憶宿命
受用願無盡
猶如虛空藏
無諍亦無害
自在享天年
願卑寒微士
容光悉煥發

苦行憔悴者
健朗形莊嚴

願世嬌弱女

悉成男子漢

寒門晉顯貴

慢者轉謙遜

願諸有情眾

因吾諸福德

悉斷一切惡

常樂福善行

願不捨覺心

委身菩提行

諸佛恆提攜

斷盡諸魔業

願諸有情眾
萬壽永無疆
安樂度時日
不聞死歿名
願於諸方所
遍長如意林
充滿佛佛子

所宣妙法音
普願十方地
無礫無荊棘
平坦如舒掌
柔軟似琉璃
願諸菩薩眾
安住聞法眷

各以妙功德
莊嚴佛道場

願諸有情眾
相續恆聽聞
鳥樹虛空明
所出妙法音
願彼常值佛

以及諸佛子
並以無邊雲
獻供眾生師

願天降時雨
五穀悉豐收
仁王如法行
世事皆興隆

願藥具速效
咒語咸靈驗
空行羅刹等
悉具慈悲心
願眾無苦痛
無病未造罪
無懼不遭輕

畢竟無不樂
願諸伽藍寺
讀誦以興盛
僧伽常和合
僧事悉成辦
願欲學比丘
悉住阿蘭若

斷諸散亂已
輕安堪修善
願尼得利養
斷諍遠諸害
如是眾僧尼
戒圓無缺憾
犯者願生悔

時時懺罪業
壽盡生善趣
不復失禁戒
願智受尊崇
化緣皆得足
身心悉清淨
令譽遍諸方

願離惡趣苦
以及諸艱困
復以勝天身
迅速成正覺
願諸有情眾
慇懃供諸佛
依佛無邊福

恆常獲安樂
菩薩願如意
成辦眾生利
有情願悉得
怙主慈護念
獨覺聲聞眾
願獲涅槃樂

未登極喜前
願蒙文殊恩
常憶已宿命
出家恆為僧
願吾菲飲食
維生充體能
世世願恆得

圓滿寂靜處
何世欲閱藏
或欲問法義
願我無障礙
面見文殊尊
為於十方際
成辦有情利

吾行願得如
文殊圓滿行
乃至有虛空
以及眾生住
願吾住世間
盡除眾生苦
眾生諸苦痛

願悉報吾身
願因菩薩德
眾生享安樂
願除苦良藥
一切安樂源
教法得護持
長久住世間

禮敬文殊尊
恩生吾善心
亦禮善知識
恩長吾三學

大界心要基道果發願文

持覺無畏洲大師取藏
白玉 秋竹上師恭譯

頂禮

怙主普賢王如來
◌◌

本意自性離戲論
◌◌

並非有法佛未見
◌◌

並非無法輪涅槃
◌◌

並非不融離議境
◌◌

願悟大圓基意圓
◌◌

本質真空常邊解
◌◌

自心光明斷支離
◦◦

悲憫無滅各化基
◦◦

分三意一本一如
◦◦

願悟大圓基意圓
◦◦

不可思議捏造離
◦◦

有無方執著相塌
◦◦

此意宣說佛舌鈍
◦◦

初中後無生明界
◦◦

願悟大圓基意圓
◦◦

自淨無生本盡位
◦◦

如成無為自能現
◦◦

另處不執覺空融
◦◦

證悟基意進詣渡
◦◦

發願道行勿謬誤
◦◦

本圓無垢無見名
◦◦

自覺欲修殼裸露
◦◦

著頓無有行束離
◦◦

自入離戲裸然下
◦◦

發願道行勿謬誤
◦◦

優劣妄念無墮入
◦◦

無念無記莫遍行
◦◦

出解無分闊遍界
◦◦

取舍窮盡自明下
◦◦

發願道行勿謬誤
◦◦

最初總基如虛空
◦◦

基相覺位空雲散
◦◦

外明心識內匿下
◦◦

六特童子瓶身苞
◦◦

發願無上此果圓
◌◌

本即自覺普賢王
◌◌

所欲妄求皆界散
◌◌

尋事離意大圓性
◌◌

界覺普妃緣界苞
◌◌

發願無上此果圓
◌◌

不住處所中觀意
◌◌

普流如遍持印下
◌◌

邊解界闊大圓意
◌◌

地道本能基圓如
◌◌

發願無上此果圓
◌◌

心要大界勝印此
◌◌

盡俱願迴殊勝法
◌◌

經護瑜伽喇呼拉
◌◌

裝扮藏僧以求圖
◌◌

勝意傳下極意存
◌◌

因緣發願盡圓此
◌◌

虛空藏以加持得
◌◌

大瘋隱藏持覺以
◌◌

勝印解開予權印
◌◌

救渡虛空平等圓
◌◌

文殊大圓滿根道果無別義

於祈願覺空金剛本然

十方四世佛
◌◌

無別智身相
◌◌

妙吉平等中
◌◌

無事義如願
◌◌

本初怙主師
◌◌

等見法身佛
◌◌

意傳心內遷
◌◌

覺能灌頂得
◌◌

即在勿尋覓
◌◌

根器差別無
◌◌

易行難信密
◌◌

師授力見願
◌◌

思觀增補念
◌◌

欲修自苦因
◌◌

有相修轉縛
◌◌

心內斷苦願
◌◌

離議所見無
◌◌

莫見任無餘
◌◌

自心已決義
◌◌

難喻心悟願
◌◌

戲淨常邊除
◌◌

覺如斷邊離
◌◌

二議如念爾
◌◌

議離無二願
◌◌

如彼指月手
◌◌

初議言詞喻
◌◌

法性思越然
◌◌

餘自自見願
◌◌

捨取行無見
◌◌

取置行相無
◌◌

尋離法然性
◌◌

如成義如願
◌◌

所知基修道
◌◌

得果法名相
◌◌

自心虛空次
◌◌

無造義如願
◌◌

捏造污染輪
◌◌

此外顛倒相
◌◌

對理戲論法
◌◌

無戲本見願
◌◌

離意法性體
◌◌

見修欲念遮
◌◌

返凡見修離
◌◌

本然不動願
◌◌

有相見地毒
◌◌

任覓修道咎
◌◌

取捨行狹徑
◌◌

離苦自見願
◌◌

不戲捆覺能
◌◌

離意現見中
◌◌

意索莫縛空
◌◌

然流本智願
◌◌

此時童瓶身
◌◌

智分智光文
◌◌

自來智慧燈
◌◌

暗障消除願
◌◌

無整無為心
◌◌

莫整無修道
◌◌

無因生果義
◌◌

即自本見願
◌◌

作意文字道
◌◌

任言僅念網
◌◌

不立經文授
◌◌

口訣心修願
◌◌

能所識是誤
◌◌

任相非真如
◌◌

無心生智身
◌◌

了義善逝願
◌◌

覺空界中法
◌◌

平等點一如
◌◌

輪涅得失塌
◌◌

無在法身願
◌◌

如此體境幻
◌◌

水月念起幻
◌◌

無念大智能
◌◌

法盡本界願
◌◌

此時如空身
◌◌

時方無邊情
◌◌

諸樂摩尼益

離障究竟願

此願文乃為共稱為加納
紮革勒金剛亥母之化身—
至尊護樂智慧自在母，於火
狗年三月十二日，供養吉祥
哈達、珠寶嚴飾之白水晶念
珠等聖物並作勸請，而為因
緣，麥彭文殊歡喜或名光明

金剛者，心中頓時顯現此大
圓滿不共自宗之術語，並於
當日圓滿所造。以此善業，
願諸眾生，獲得本來怙主文
殊童子之果位。

僅聞亦定得解脫
金剛持贊殊勝道
思維此理何須說
法性諦力速解脫

有勤因乘難調時
續云普賢教出世
聖言所贊精藏教
願彼周遍諸世間

芒嘎拉木

能勝上師曰 秋竹恭譯

徒悟徹、竹月女恭錄

丙子年(西元一九九六年)十一月初版

甲申年(西元二〇〇四年)十一月修版

阿彌陀佛極樂淨土祈願文

噶瑪洽美尊者著

白玉 秋竹上師校譯

(序文)

此為不斷之功課
雖然手痛勤書寫
思維饒益多眾生
若欲抄寫可借予

無有勝此之功德
無有更深之口訣
乃是吾之根本法
精進修持勿捨棄
此屬顯宗法要故
未得口傳亦可誦

唉瑪叭

從此日落之方向
越過無數眾世界
稍許上方聖境處
即是清淨極樂刹
吾等肉眼雖未見
自心卻應明然觀
彼刹阿彌陀佛尊

紅蓮寶色光赫奕
無見頂相足輪等
三十二相八十好
一面二臂定持鉢
著三法衣跏趺坐
千瓣蓮花月墊上
身背依靠菩提樹
慈眼悲憫垂視我

右脇菩薩觀世音
身白左手持白蓮
左脇菩薩大勢至
身藍左持金剛蓮
右手施依印向吾
三大主尊如山王
明耀顯赫巍巍住
大乘比丘十千億

身皆金色相莊嚴
著三法衣黃燦燦
敬禮遠近無別故
我以三門敬頂禮
部主法身無量光
右手放光化觀音
復化百俱胝觀音

左手放光化度母
復化百俱胝度母
心間放光化蓮師
復化百俱胝蓮師
頂禮法身阿彌陀
佛於晝夜六時中
慈眸恆視諸有情
諸眾心中所生起

任何分別皆明知
諸眾口中所言語
永無混雜一一聞
頂禮遍智無量光
唯除五逆謗正法
至心信樂欲往生
隨願皆生極樂國
佛臨中陰引彼刹

頂禮導師無量光
您之壽量無數劫
不示涅槃現住世
一心恭敬祈禱您
唯除宿業異熟果
壽盡亦可享百歲
遣除一切諸橫死
頂禮怙主無量壽

無數廣大三千界
遍滿珍寶作布施
不如聽聞極樂剎
阿彌陀佛之名號
虔信合掌福德大
是故敬禮無量光
誰聞阿彌陀名號
心口如一生信心

乃至一念誠信心
彼不退轉菩提道
頂禮怙主無量光
聽聞彌陀佛名號
乃至未獲菩提間
不轉女身生善種
生生世世具淨戒
頂禮善逝無量光

自身受用及善根
一切真實淨妙供
意顯七珍八寶物
化為三千世界中
十億日月洲須彌
天人龍等諸受用
意顯供養無量光
為利我故悲納受

父母為主吾等眾
無始以來直至今
殺生偷盜非梵行
發露懺悔身三罪
妄語離間綺惡語
發露懺悔語四罪
貪心瞋心與邪見
發露懺悔意三罪

殺師父母阿羅漢
惡心毀害佛尊身
發露懺悔五逆罪
殺害比丘與沙彌
污尼毀像塔寺等
發露懺悔近五逆
三寶殿經所依等
以彼作證違誓等

發露懺悔捨法罪
誹謗菩薩諸罪業
較殺三界有情重
發露懺悔極大罪
聞善德與惡過患
地獄痛苦壽量等
於此說法疑誇大
此罪重於五無間

發露懺悔無解罪
十三僧殘四他勝
墮罪惡作向彼悔
發露懺悔五眾戒
四惡法罪十八墮
發露違犯菩薩戒
十四根本八粗支

發露違犯三昧戒

未受戒律造惡業

非梵行與飲酒等

一切自性之罪業

發露懺悔未知罪

雖受皈戒灌頂等

不知守戒護三昧

發露懺悔違遮罪

若無悔心懺不淨

昔所造罪如服毒

以大慚愧悔懺罪

後無戒心罪不淨

發誓此後遇命難

亦不造作不善業

阿彌陀佛及佛子
加持淨化吾相續

聽聞他人行善時
若捨嫉妒不悅心
誠心歡悅作隨喜
佛說同獲彼福德
故於聖者及凡夫

所作諸善皆隨喜

發起無上菩提心
廣利眾生皆隨喜
斷十不善行十善
救護他命行布施
持守戒律說實語
解怨柔和正直語

少欲言說具義語
修持慈悲行正法
於彼善法皆隨喜
十方浩瀚世界中
最初成就菩提者
我於彼等勤勸請
迅速廣轉妙法輪

佛以神通知彼義
諸佛菩薩善知識
欲般涅槃彼等前
祈請住世不涅槃
以此為主三世善
迴向一切諸有情
願皆速得無上果

願斷三界之輪迴
宿世善根速成熟
遣除橫死十八種
身健體強韶華豐
財富無盡如恆河
無魔怨害享正法
如法成就諸所願

弘法利生大益成
願此人身具意義
我與一切有緣眾
願此生臨命終時
化身無量光佛尊
比丘僧眷眾圍繞
顯現親臨我等前

我等見彼心歡喜
願無痛苦得善終
祈願八大菩薩眾
皆以神力現於前
指示導引極樂道
接引往生極樂國
惡趣諸苦實難忍

人天福樂皆無常
願生畏懼感彼心
無始以來直至今
長夜漂泊輪迴際
願生厭世出離心
設若輪迴得人身
無數生老病死苦
於此濁世違緣多

若處人天之安樂
猶如摻雜毒藥食
願此毫無貪欲心
食物錢財諸親友
一切無常如夢幻
願此毫無貪戀心
故鄉居所屬地宅
一切猶如夢境宅

願知虛幻不成實
無邊輪迴大海中
猶如罪犯脫牢獄
往生極樂淨土剎
於此願以無反顧
祈願斷除諸貪執
猶如鷲鳥脫網羅

願能剎那行虛空
於此西方淨土中
越過無量之世界
願得往生極樂國
祈願親見無量光
謁見無量光佛顏
願能清淨除罪障

以彼四生中最勝
莊嚴蓮花花苞裡
願得清淨化生身
自身剎那悉圓滿
願得諸相隨形好
若因狐疑不往生
將於五百年之中

雖具福樂與受用
聽聞佛語佛音聲
然而蓮花不綻放
延誤謁見佛聖顏
祈願我等無此過
剎那往生蓮花開
謁見無量光佛顏
以此福德神變力

由手掌中幻化出
不可思議供養雲
願供佛與眷屬眾
爾時祈願諸如來
開展右手摩吾頂
願得菩提之授記
聽聞深廣法教後

祈願自續能熟解
大悲觀音大勢至
願此佛之二長子
願賜加持與攝受
以此每日十方界
無量諸佛與菩薩
獻供無量光佛尊
蒞臨彼淨刹土時

願能承侍彼尊等
獲得法教醍醐要
並以無礙神變力
祈願午前能趨往
現喜具德安樂刹
妙圓清淨密嚴刹
不動寶生不空佛

毗盧遮那等諸佛
祈請灌頂且加持
賜與授戒行廣供
傍晚之時無艱難
祈願剎那返淨土
普陀淨土楊柳宮
烏金剎土妙拂洲
十億化身清淨剎

願見觀音與度母
金剛手及蓮花生
無量海會諸聖眾
敬獻如海妙供品
祈請灌頂勝教法
願速返回自剎土
願以天眼能明見

生前親朋友侍徒
祈賜加持與護佑
命終接引至彼剎
賢劫時期一大劫
極樂剎土一日間
無死無量無數劫
願得恆生住彼剎
彌勒淨土至勝解

賢劫時期諸佛陀
降臨此間剎土時
神變幻力詣此剎
供養佛陀聞正法
爾後祈願無障礙
願速返回極樂剎
八百一十萬俱胝

那由他佛之剎土
功德莊嚴悉合一
願生最勝之剎土
願生殊勝極樂剎
珍寶大地平如掌
恢廓曠蕩光煜爍
足履軟綿舉還復

願生柔妙和適剎
眾寶所成如意樹
樹葉錦緞珍果飾
彼上幻鳥出妙音
鳴唱深廣之法音
願生稀有極樂剎
具八功德之水河
如是甘露妙浴池

七寶階梯寶磚圍
芳香蓮花具果實
蓮花放射無量光
光端嚴飾化身佛
願生極奇稀有剎
不聞無暇惡趣名
病魔煩惱三五毒
怨敵貧乏戰爭等

彼剎未聞諸苦惱
願生極其安樂剎
無有女人無胎生
皆由蓮花中化生
諸身無別金黃色
頂髻等相莊嚴飾
五眼五通悉具足
願生無量功德剎

自然眾寶無量宮
受用所欲意念生
無勤任運所需成
無有自他無我執
所欲供雲從掌出
行持無上大乘法
願生諸樂之源剎
香風普降妙花雨

諸樹河蓮中恆生
悅意色聲香味觸
受用供養如雲聚
雖無化身女等眾
供養天女恆時供
欲意安住無量宮
欲意睡眠妙寶座
具眾錦緞被墊枕

鳥樹河流樂器等
欲聞即出妙法音
不欲聽聞即無聲
彼等甘露池溪流
冷暖適度隨所欲
願生如意所成剎
彼剎阿彌陀佛尊

壽量無數不涅槃
願於其間承侍彼
一旦彌陀趣涅槃
二恆河沙數劫中
教法住世之時期
不離補處觀世音
願於其間持正法
黃昏法沒次黎明

觀音現前成正覺
爾後彼佛名號為
普光功德山王佛

(註一)

願隨侍奉聞正法
壽量六百六十萬
俱胝那由他劫久
願恆恭敬承侍彼

願以不忘受持法
涅槃之後彼教法
住世六億三十萬
俱胝劫間持正法
願恆不離大勢至
勢至菩薩證等覺
爾後彼佛名號為
善住功德寶王佛

(註二)

壽量教法等觀音
願於其間恆承侍
願能供養持諸法
當我壽盡隨即能
往彼淨刹或他刹
願得無上正等覺
成佛如彼無量光

僅聞名號眾熟解
化身無數接引眾
願行無尋如成利
善逝壽量與福德
德智威光咸無量
法身無量光佛尊
壽智無量出有壞

任誰持誦尊名號
唯除往昔業異熟
水火毒刃夜羅刹
佛說諸畏皆可救
我持佛號頂禮尊
祈救一切怖畏苦
吉祥圓滿祈加持

祈願獲得佛三身
法性不變真實諦
加持僧眾永不退
所發大願悉成就
三寶尊前我頂禮

（成就所願咒）

爹雅塔 班雜質衣亞
阿瓦波達那耶 梭哈

三寶尊前我頂禮

南摩曼殊西利耶

禮敬文殊師利耶

南摩殊西利耶

禮敬殊師利耶

南摩烏達瑪西利

耶梭哈

禮敬烏達瑪師利耶娑

哈

經云：『若誦此咒而作禮拜三次，等同禮拜十萬次。』
極善禮拜百次，次者隨力，
下者亦應禮拜七次。

又極善永不中斷，次者數
年或數月不斷，下者於任何
時間，面向西方極樂淨土，

淨信合十，憶念無量光壽佛，專心念誦，即於此生壽命障礙得清除，來世無礙往生淨土。

此為《阿彌陀佛經》、《莊嚴經》、《白蓮花經》、《阿彌陀鼓音經》等之含義，由我比丘日阿噶阿瑟，為令有情眾生能得投生極樂淨土之因而作。薩哇芒嘎朗木。

（註一） 出自《觀世音菩薩得大勢菩薩受記經》，而《悲華經》中記載觀世音菩薩成佛名號為「遍出一切光明功德山王如來」

（註二） 出自《觀世音菩薩得大勢菩薩受記經》，而《悲華經》中記載大勢至菩薩成佛名號為「善住珍寶山王如來」

極樂淨土祈願文

誱瑪吽 〇〇

勝妙如來無量光 〇〇

右脇大悲觀世音 〇〇

左脇菩薩大勢至 〇〇

諸佛菩薩眾圍繞 〇〇

具足無量勝妙樂 〇〇

彼即清淨極樂國 〇〇

祈願我等命終時 〇〇

不歷他世即往生 〇〇

面見彼佛阿彌陀 〇〇

我今如是發願故
○
祈請十方佛菩薩
○
加持無礙得成就
○

爹雅塔 班雜質衣亞
阿瓦波達那耶 梭哈

藏曆火雞（丁酉）年四月初七日，明珠多傑活佛十三歲時，親見無量光佛及其眷屬，無量光佛親宣此文。

麥彭仁波切極樂願文

欲往生極樂世界而修持
往生四因之義者，應當專一
觀修無量光佛之身相，每日
恭誦阿彌陀佛聖號七遍後
念誦：

導師彌陀祈護念
我隨導師弘誓願
發起無上菩提心
以我所造諸善根
迴向西方極樂國
面見彼佛阿彌陀

最勝佛子普賢行
迴向圓滿盡無餘
願我臨欲命終時
剎那往生極樂國
親蒙慈尊授記已
圓熟淨德臻圓滿

麥彭仁波切造

白玉 秋竹上師恭譯

祈請如來無量光
我發無上菩提心
善根迴向極樂國
祈願加持得往生

麥彭仁波切造

白玉 秋竹上師恭譯

慈雲懺主淨土發願文

一心歸命 極樂世界 阿彌陀佛
願以淨光照我 慈誓攝我
我今正念 稱如來名 為菩提道
求生淨土 佛昔本誓 若有眾生
欲生我國 志心信樂 乃至十念
若不生者 不取正覺

以此念佛因緣 得入如來 大誓海中
承佛慈力 眾罪消滅 善根增長
若臨命終 自知時至 身無病苦
心不貪戀 意不顛倒 如入禪定
佛及聖眾 手執金臺 來迎接我
於一念頃 生極樂國 花開見佛
即聞佛乘 頓開佛慧 廣度眾生
滿菩提願

十方三世一切佛
一切菩薩摩訶薩
摩訶般若波羅蜜

蓮池大師西方發願文

稽首西方安樂國 接引眾生大導師

我今發願願往生 惟願慈悲哀攝受

弟子某甲（眾等）普為四恩三有、法界
眾生，求於諸佛一乘無上菩提道故，專心持
念阿彌陀佛萬德洪名，期生淨土。

又以業重福輕，障深慧淺，染心易熾，
淨德難成。今於佛前，翹勤五體，披瀝一心，
投誠懺悔。

我及眾生，曠劫以來，迷本淨心，縱貪
瞋癡，染穢三業，無量無邊；所作罪垢，無
量無邊。所結冤業，願悉消滅。

從於今日，立深誓願：遠離惡法，誓不

更造；勤修聖道，誓不退惰；誓成正覺，誓度眾生。

阿彌陀佛，以慈悲願力，當證知我，當哀愍我，當加被我。願禪觀之中、夢寐之際，得見阿彌陀佛金色之身，得歷阿彌陀佛寶嚴之土，得蒙阿彌陀佛甘露灌頂、光明照身，手摩我頂，衣覆我體。使我宿障自除，善根增長，疾空煩惱，頓破無明。圓覺妙心，

廓然開悟；寂光真境，常得現前。

至於臨欲命終，預知時至，身無一切病苦厄難，心無一切貪戀迷惑；諸根悅豫，正念分明，捨報安祥，如入禪定。阿彌陀佛與觀音勢至諸聖賢眾，放光接引，垂手提攜。樓閣幢幡，異香天樂，西方聖境，昭示目前。令諸眾生，見者聞者，歡喜感歎，發菩提心。

我於爾時乘金剛台，隨從佛後，如彈指頃，生極樂國。七寶池內，勝蓮華中，華開見佛，見諸菩薩，聞妙法音，獲無生忍。

於須臾間，承事諸佛，親蒙授記。得授記已，三身四智、五眼六通、無量百千陀羅尼門，一切功德皆悉成就。

然後不違安養，回入娑婆。分身無數，

遍十方剎。以不可思議自在神力、種種方便，度脫眾生，咸令離染，還得淨心，同生西方，入不退地。

如此大願，世界無盡，眾生無盡，業及煩惱一切無盡，我願無盡。

願今禮佛、發願、修持功德，回施有情，四恩總報，三有齊資，法界眾生同圓種智。

大慈菩薩發願偈

十方三世佛
阿彌陀第一
九品度眾生
威德無窮極
我今大歸依
懺悔三業罪

凡有諸福善
至心用回向
願同念佛人
感應隨時現
臨終西方境
分明在目前

見聞皆精進
同生極樂國
見佛了生死
如佛度一切
無邊煩惱斷
無量法門修
誓願度眾生
總願成佛道

虛空有盡
我願無窮
情與無情
同圓種智
十方三世一切佛
一切菩薩摩訶薩
摩訶般若波羅蜜

回向發願偈

願我臨終無障礙
阿彌陀佛遠相迎
觀音甘露灑吾頭
勢至金台安我足
一剎那中離五濁

屈伸臂頃到蓮池
蓮花開後見慈尊
親聽法音可了了
聞已即悟無生忍
不違安養入娑婆

善知方便度眾生
巧把塵勞為佛事

我願如斯佛自知
畢竟當來得成就